

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՀԱՅՏԱՐԱՐՈՒԹՅՈՒՆ ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲԲԱ-ԱՄ-2019/02, 09.01.2019թ.

Բողոք ներկայացնող անձ՝ «Երանոսշին» ՍՊԸ

Պատվիրատու՝ Հայաստանի տարածքային զարգացման հիմնադրամ

Գնման ընթացակարգի ծածկագիրը և առարկան՝ «ՀԾ-ԳՀ-ԱՇՁԲ-2018/68/70/72/73» ծածկագրով գնանշման հարցման ընթացակարգ, Հայաստանի տարածքային զարգացման հիմնադրամի կարիքների համար «ՀՀ Արմավիրի մարզի Ջանֆիդա համայնքի խմելու ջրագծի ներքին ցանցի /25կմ երկարությամբ/ հիմնանորոգում», «ՀՀ Արագածոտնի մարզի Արտաշավան համայնքի հիմնական հատվածի ջրամատակարարման ցանցի կառուցում», «ՀՀ Արմավիրի մարզի Վանանդ համայնքի ոռոգման ներտնտեսային ցանցի վերանորոգում», «ՀՀ Կոտայքի մարզի Աբովյան համայնքի Հանրապետության պողոտայի ջրահեռացման համակարգի անցկացում», բաղկացած 4 չափաբաժիններից, աշխատանքների ձեռքբերում:

Բողոքի պահանջը՝

Հայաստանի տարածքային զարգացման հիմնադրամին պարտավորեցնել «ՀԾ-ԳՀ-ԱՇՁԲ-2018/68/70/72/73» ծածկագրով գնանշման հարցման ընթացակարգով ընդունել համապատասխան որոշումներ, այն է՝ կնքել պայմանագիր ընթացակարգի հաղթող ճանաչված ընկերության հետ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Մ. ԱՆԱՆՅԱՆ, ՔԱՐՏՈՒՂԱՐ՝ Ա. ԾԱՏՈՒՐՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին

ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:

Գնումների հետ կապված բողոքներ քննող անձին
Հասցե՝ Մելիք Ադամյան 1, Երևան քաղ.

Բողոք բերող անձ՝ «Երանոսշին» ՍՊԸ
/ՀՎՀՀ 03524692/ Տնօրեն՝ Գ. Ալոյան
Հասցե՝ 2201, Կոտայքի մարզ, քաղաք Աբովյան
Հեռ.՝ (+374) 10564766, (+374) 99599479, (+374) 41685355
Էլ. փոստ՝ vip-consalt@mail.ru

Պատվիրատու՝ «Հայաստանի տարածքային զարգացման հիմնադրամ»
Հասցե՝ ք.Երևան, Ուլնեցի 31

Գնման ընթացակարգի ծածկագիրը՝

«ՀՀ Արմավիրի մարզի Ջանֆիդա համայնքի խմելու ջրագծի ներքին ցանցի /25կմ երկարությամբ/ հիմնանորոգում», «ՀՀ Արագածոտնի մարզի Արտաշատի համայնքի հիմնական հատվածի ջրամատակարարման ցանցի կառուցում», «ՀՀ Արմավիրի մարզի Վանանդ համայնքի ոռոգման ներտնտեսային ցանցի վերանորոգում», «ՀՀ Կոտայքի մարզի Աբովյան համայնքի Հանրապետության պողոտայի ջրահեռացման համակարգի անցկացում» բաղկացած 4 չափաբաժիններից
ՀՄ-ԳՀ-ԱՇՁԲ-2018/68/70/72/73 ծածկագրով հրավեր»

ԲՈՂՈՔ

1. Վեճի առարկան.

1.1 «ՀԱՅԱՍՏԱՆԻ ՏԱՐԱԾՔԱՅԻՆ ԶԱՐԳԱՅՄԱՆ ՀԻՄՆԱԴԻՄ»-ի կողմից հայտարարվել է ՀՄ-ԳՀ-ԱՇՁԲ-2018/68/70/72/73 ծածկագրով գնման ընթացակարգ:

1.2 ՀՄ-ԳՀ-ԱՇՁԲ-2018/68/70/72/73 ծածկագրով հրավերը հրապարակվել է 2018 թվականի դեկտեմբերի 10-ին:

1.3 Հայտերը ներկայացնելու վերջնաժամկետը՝ 17.12.2018թ:

1.4 Էլեկտրոնային աճուրդի կայացման օրը՝ 17.12.2018թ:

1.5 ՀՄ-ԳՀ-ԱՇՁԲ-2018/68/70/72/73 ծածկագրով գնմանը հաղթող է ճանաչվել «Երանոսշին» ՍՊ ընկերությունը (հետայսու՝ Ընկերություն):

1.6 ՀՄ-ԳՀ-ԱՇՁԲ-2018/68/70/72/73 ծածկագրով մրցույթի քարտուղարի կողմից դեկտեմբերի 20-ին ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) 43-րդ կետի 3-րդ ենթակետի համաձայն հարցում է ուղարկվել ՀՀ ՖՆ պահանջվող էլեկտրոնային հասցեներին և ներկայացվել է ՀՄ-ԳՀ-ԱՇՁԲ-2018/68/70/72/73 ծածկագրով մրցույթի Չափաբաժին 4-րդի մասով 1-ին տեղ զբաղեցրած «Երանոսշին» ՍՊԸ -ի մասին պահանջվող տեղեկատվությունը:

ՍՏՈՍԱՍՏԱՍՏԱ
331-13
09.01.2019թ

1.7 ՊԵԿ եզրակացությունը ստացվել է դեկտեմբերի 25-ին. մասնակցի ներկայացրած հայտարարությունը համարվել է իրականությանը չհամապատասխանող: Հայտը ներկայացնելու օրվա դրությամբ ՀՀ պետական բյուջեի նկատմամբ ժամկետանց հարկային պարտավորությունների գումարը կազմել է 82,000 ՀՀ դրամ, որը գերազանցում է նվազագույն 50.000 դրամը:

1.8. Միևնույն ժամանակ Ընկերությունը ներկայացրել է ապացույցներ, որ համարվում է պարտաճանաչ հարկ վճարող, որևէ հարկային պարտավորություն չունի, ավելին՝ հարկային վճարների մասով ունի բավականաչափ գերավճար, այն է՝ «17» Դեկտեմբեր 2018 թվականի դրությամբ ԵՐԱՆՈՍՇԻՆ, 03524692 -ի հարկային մարմնի կողմից վերահսկվող եկամուտների գծով պարտավորությունները, դեբտային գումարները, սահմանված չափից ավել վճարված գումարները և միասնական հաշվում առկա գումարները, հարկային մարմնի տեղեկատվական բազայում առկա տեղեկությունների հիման վրա, կազմում են՝ 4,465,895 Ավելացված Արժեքի մասով գերավճար:

1.9. ԵՐԱՆՈՍՇԻՆ ՍՊ Ընկերությունը պարտադիր վճարների մասով իր պարտավորության մասին տեղեկանալուց անմիջապես հետո կատարել է 100,000 ՀՀ դրամ վճարը:

2.Բողոքի փաստացի և իրավական հիմքերը.

2.1 15.12.2016թ. ՀՀ ազգային ժողովի կողմից ընդունվել է «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին ՀՀ օրենքը», որը ուժի մեջ է մտել 09.01.2017թ.: Վկայակոչված օրենսդրության 1-ին հոդվածի համաձայն «...օրենքով կարգավորվում են մարտական գործողությունների հետևանքով զինծառայողների կյանքին կամ առողջությանը պատճառված վնասի հատուցման հետ կապված հարաբերությունները, ինչպես նաև սահմանվում են հատուցման հիմնադրամի ստեղծման և գործունեության կարգն ու պայմանները»:

Նույն օրենքի 10-րդ հոդվածով սահմանվում է «Դրոշմանիշային վճար» հասկացությունը, համաձայն, որի «Դրոշմանիշային վճարը զինծառայողների կյանքին և առողջությանը պատճառված վնասների հատուցումն ապահովելու նպատակով սույն օրենքով սահմանված կարգով և չափով ՀՀ պետական բյուջե վճարվող պարտադիր վճար է, որի վճարման պարտականությունը կատարվում է յուրաքանչյուր հաշվետու ժամանակաշրջանում սույն օրենքի 12-րդ հոդվածի 1-ին մասով սահմանված չափով դրոշմանիշ գնելու միջոցով»:

Վկայակոչված օրենսգրքի 12-րդ հոդվածի 1-ին մասի համաձայն «յուրաքանչյուր հաշվետու ժամանակաշրջանի համար սույն օրենքի 11-րդ հոդվածի 1-ին մասի 1-ին, 2-րդ, 5-րդ և 6-րդ կետերում նշված ֆիզիկական անձինք դրոշմանիշային վճարը վճարում են 1000 դրամ գումարի չափով, իսկ անհատ ձեռնարկատերերը և նոտարները՝ 12 000 դրամ գումարի չափով»: Սույն իրավական հարթության վրա անհրաժեշտ է իրավական գնահատական տալ «պարտադիր վճար» եզրույթին ներկայիս գործող սահմանադրության 60-րդ հոդվածի 8-րդ մասի լույսի ներքո:

Մասնավորապես ՀՀ սահմանադրության 60-րդ հոդվածի 8-րդ մասի համաձայն «Յուրաքանչյուր ոք պարտավոր է մուծել օրենքին համապատասխան սահմանված հարկեր, տուրքեր, կատարել պետական կամ համայնքային բյուջե մուտքագրվող պարտադիր այլ վճարումներ»:

27.11.2005թ. ընդունված ՀՀ սահմանադրության մեկնաբանությունների համաձայն՝ Հարկերը՝ «պարտադիր և անհատույց այն վճարն է, որը հանրային իշխանության գործունեության ֆինանսական ապահովման նպատակով պետական և «կամ» համայնքների բյուջեներ է մուծվում վճարողների կողմից ինքնահարկման ու կամավորության հիման վրա կամ գանձվում պետական հարկադրանքի միջոցով» Տուրքեր կամ պարտադիր այլ վճարը՝ «պետական և կամ համայնքների բյուջեներ մուծվող պարտադիր և անհատույց այն վճարն է, գանձույթը, որի վճարումը հանդիսանում է պայմաններից մեկը պետական և տեղական ինքնակառավարման մարմինների կողմից այն վճարողի օգտին իրավաբանական նշանակության գործողություններ կատարելու համար»:

Այսպիսով, փաստ է, որ «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքով սահմանված «Դրոշմանիշային վճար» եզրույթը չի կարող դիտարկվել «հարկեր» եզրույթի տիրույթում, այն պետք է դիտարկել «Տուրքը կամ պարտադիր այլ վճարը» տիրույթում:

Սույն պարագայում «Դրոշմանիշային վճար» կատարելուն պարտադրելով, օրենսդիրը պարտադրում է ֆիզիկական և իրավաբանական անձանց կատարել վճարում յուրաքանչյուր ամիս «զինծառայողների կյանքին և առողջությանը պատճառված վնասների հատուցումն ապահովելու նպատակով սույն օրենքով սահմանված կարգով և չափով ՀՀ պետական բյուջե վճարվող պարտադիր վճար է, որի վճարման պարտականությունը կատարվում է յուրաքանչյուր հաշվետու ժամանակաշրջանում սույն օրենքի 12-րդ հոդվածի 1-ին մասով սահմանված չափով դրոշմանիշ գնելու միջոցով:

Ինչպես գործող, այնպես էլ, նախկին սահմանադրությունների տրամաբանական վերլուծությունը հիմք է տալիս պնդելու, որ «Տուրքը» կամ պարտադիր այլ վճարը» կատարելու արդյունքում վճարողի օգտին պետք է կատարվեն իրավաբանական նշանակության գործողություններ: Սույն պարագայում, սակայն իրավաբանական նշանակություն ունեցող գործողություններ չեն կատարվում վճարում կատարողի օգտին, այս դեպքում դրոշմանիշային հարկադիր վճար կատարողը իր կամքից անկախ գնում է ինչ-որ դրոշմանիշ, որի գնման համար ինքը կատարում է հարկադիր գործողություն:

2.2 Հետևաբար, դրոշմանիշային վճարը չի կարող համարվել հարկային պարտավորություն, ուստի անհիմն է Շնկերությանը գրկել Պայմանագիր կնքելու հնարավորությունից մրցույթում հաղթող ճանաչվելու պարագայում, քանի որ Շնկերությունը համարվում է պարտաճանաչ հարկ վճարող, ինչի մասին վկայում է 4,465,895 ՀՀ դրամ գերավճարը:

3. Պահանջ.

3.1. Համաձայն «Գնումների մասին» ՀՀ օրենքի 50-րդ հոդվածի 7-րդ մասի՝ «Հայաստանի տարածքային զարգացման հիմնադրամ»-ին ՀՕ-ԳՀ-ԱՇՁԲ-2018/68/70/72/73 ծածկագրի հրավերով պարտավորեցնելու ընդունել համապատասխան որոշումներ, այն է՝ կնքել համապատասխան պայմանագիրը մրցույթում հաղթող ճանաչված ընկերության հետ:

3.2 Օրենքի 50-րդ հոդվածի 1-ին մասի 6-րդ կետի համաձայն՝ բողոքը բավարարվելու դեպքում վերադարձնել բողոքի քննության համար նախատեսված վճարը:

Կից ներկայացվում են.

1. Անձր հաստատող վաստաթղթի պատճեն,
2. Դրոշմանիշային վճարի վճարման հանձնարարականը,
3. Որպես ապացույց <<Հարկ վճարողի անձնական հաշվի քարտի ՔԱՂՎԱՄՔ>>
4. ՀՀ տարածքային զարգացման հիմնադրամի արձանագրությունը,
5. Բողոք ներկայացնելու համար վճարման անդորրագրի պատճեն:

«Երանոսշին» ՍՊԸ
Տեղեկ՝ Գ. Ալոյան
09 հունվարի, 2019թ.

